

# INUIT ATAQATIGIIT INATSISARTUNI



UKA2022/126

Ulloq saqqummiivik: 29.Sept.2022

Illit atit: Mariane Paviasen

**Siunnersuutip qulequtaa Inatsisartut nittartagaaniittoq.**

**Inissianik attartortitsisarneq pillugu Inatsisartut peqqussutaata allanngortinnera pillugu Inatsisartut inatsisaat nr. xx, xx. xxx 2022-meersoq**

**(Ineqarneq pillugu Maalaaruteqartarfiup pisortat inissiaatileqatigiiffiunut il.il. aalajangiisinnaatitaanerata annertusitinneqarnera)**

Inuit ataqatgiiinni ilisarnaatitta ilagaat inuit pisinnaatitaaffiinnik illersuisuunerput, innuttaasunut pisinnaatitaaffiit assigiiaartunngortinneqarnissaat anguniakkatta pigaarnerit ilagilluinnarpaat, nuannaarlunga oqaatigissavara siorna ukiuugaa Naalakersuisutut atorfeqalerninni inissianik attartortitsisarnermi pisinnaatitaaffiit assigiinnginnerat 2014-imili atuusimasumik paasitinneqarnerma kingorna una maanna oqallisigisarput Inatsip allanngortinneqarnissaannik aalijangersimanerma kingorna atorfilittat suliakkerneqarput maannalu suliap taassumap inaarsarneqarnissaannut Inuit Ataqatigiit sinnerlugit oqaaseqarfigisinnaagakku qujamasuutiginningsuunngilara.

Ineqarneq pillugu maalaaruteqartarfiup maalaarfigineqarsinnaanera manna tikillugu Kommunit Namminersorlutillu oqartussat inissiaataanni attartortunuinnaq maalaarfigineqarsinnaavoq, tamatumalini ajornartorsiut unaavoq pisortat inissianik pisortanit pigineqanngitsunik attartorlutik innuttaasunut attartortitsinermi attartortup inissiamik

# INUIT ATAQATIGIIT INATSISARTUNI



ajornartorsiuteqarsimaguni attartortut maalaaruteqarsinnaanginnera namminermini tamanna attartortunut ajornartorsiortitsisinnaammat.

Inissiamimmi attartortup toqqaannartumik namminersortumit inissiamit attartortuunngikkaluarluni, kommunip imal. Namminersorlutik oqartussap attartugaanni najugassinneqaruni attartorumut tamanna isumaqarpoq pisortanut ataartortuunneq, taammaakkaluartorli pisinnaatitaaffik maalaaruteqarsinnaanermut atuutissanngilaq, taamaammat inatsip allanngortinneqartussanngorneranik maani qinikkatut akuerineqarsinnaanissaanik Inuit Ataqatigiinniit assut neriuuteqarpugut, eqqortuusinnaanngilarmi pisortanut inissamik attartortuulluni assigiinngitsunik pisinnaatitaaffeqarneq.

Uani anguniagaq tassaavoq pisortat inissiamik attartugaannik attartortut inissisimalersimanermi oqartussaaqataanissamik, inissiap attartorneranut akiliutigisartakkanik naammaginngisaqaraanni, inissiap aserfallatsaalineqarneranut iluarsartuusinnissamut maalaaruteqarsinnaanermik periarfissaqalernissaq.

Inuit ataqatigiinniit tamanna nuannaarutigaarput inissiamimmi attartortut inissiap akiiata qaffanneqarnissaannut tassanngaanartuunnginnissaannut illersorneqarneq ingerlalersussaavoq attartortitsisup pisussaaffigilissammagu inissiap akiata qaffannissaannut ilimasaarummik nassiusisartussanngortinneqassammata, inissiamillu attartortup tamanna maalaarutigisinnaalissammagu.

Maalaaruteqartarfiullu suliarisinnaasai eqqaasagutsigit; ineqarnermut akiliutit qaffannissaannut siusinaarluni ilisimatitsinnissamik piunasaqaateqartoqalissaaq, aserfallatsaaliineq iluarsartuusinerlu, Inissap iserterfigineqarnerani qanoq inneranut tunngasut, attartukkami atortut ikkussukka pitsanngorsaanerillu, attartortup attartukkaminik atuinera peqqaissaarnissamik maleruagassiornermi

# INUIT ATAQATIGIIT INATSIARTUNI



uniuisoqarsimatillugu iliuuserisineqartussat, attartortut akorngini paarlaasinnaaneq, inissiallu qimannerani iluarsartuusinermit tunngasut maalaarutigineqarsinnaalissapput.

Siunnersuummi eqqaaneqartut maalaaruteqartup maalaaruteqarnermini attartortoq annerpaamik 500 koruuninnik sullissinermit akiliummik akiliisarnissaanut tunngasoq, isertitaqqortussuseq aallaaviusinnanera eqqarsaatigisariaqarpoq, ilaqarpugummi 500 koruuneernissamut inorsaattunik, aamma eqqarsaatigisariaqarpoq nunatsinni naqinnernik ilisarinnissinnaanngitsunik ilaqarnerput eqqarsaatigalugu maalaaruteqarniartut naqinnernik ilisarinnissinnaanngitsut ikiorserneqarnissaat maalaaruteqartarfimmummi maalaaruteqarniaraanni allakkatigut tamanna pisariaqarpoq taammaammat attartortut tamarmik periarfissamik atuilluarsinnaannerulernissaat anguniarlugu uummap inatsisissap suliarinerani periarfissat aporfiusinnaasut ilanngullugit suliarineqartariaqarput.

Taamak oqaaseqarluta Inuit Ataqatigiit sinnerlugit suliaq una ataatsimiititaliamut susassaqartumut suliassanngortipparput.